



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Unus Pro Omnibus, Hoc est: Christus Jesus Dei Filius**

**Ginther, Anton**

**Augustæ Vindelicorum, 1733**

**VD18 12431648**

Consideratio XXXVII. Quomodo meditatio de Christo crucifixo animæ  
Christianæ summè sit proficua.

[urn:nbn:de:hbz:466:1-45934](https://nbn-resolving.org/urn:nbn:de:hbz:466:1-45934)

rum Imperatoris exercitus Ungariam penè inundasset, Carolus VI. pro more suo ad crucifixum Amorem suum confugit, quem invictissimo Eugenio Archistratego suo, & Sabaudia Duci contra Barbaros nunc ituro in adiutorem assignavit, prædicens illi victoriam: *In hoc signo vinces.* Bis conflixit cum hoste Eugenijs, bis vicit in hoc signo, expugnato hinc Temesvario, inde Belgrado. O viros immortales! Ecce in hoc signo crucis gloria & victoria, salus

& vita: *Eleva virgam &c.*



## CONSIDERATIO XXXVII.

### Meditatio de Christo Crucifixo animæ Christianæ summè proficua.

*Recogitate eum, qui talem sustinuit à peccatoribus adversum semetipsum contradictionem. Hebr. 12. 3.*

I.

**I**saac Patriarcharum decus & typus Christi sæpiùs in campum solebat se conferre, ut ibidem solus & ab alijs negotijs sæcularibus abstractus, res cœlestes ac divinas meditaretur: *Et egressus fuerat ad Gen. 24. 63. meditandum in agro, inclinato jam die,* in quo, ait Alcuinus, Isaac fuit typus Christi, qui vespere & noctu oraturus secessit in montem, sicut pariter fuit typus Redemptoris nostri crucem bajulantis, dum ligna holocausti ad montem Moria asportavit.

Ex quo colliges, prudens Lector, quòd Sapientis vita sit meditatio, præsertim sit opus redemptionis nostræ, Christum passum, ac crucifixum sæpiùs per devotam meditationem ad mentem reduxerit: *Nihil, inquit S. Augustinus, tam salutiferum nobis est, quàm quotidie cogitare, quanta pro nobis pertulit DEUS homo.* S. Aug. serm. 62 ad Frat. in Eremo.

2. Jacob filius Isaac ovibus suis virgas populeas, & amygdalinas ex parte decorticatas in canalibus, ubi effundebatur aqua, proposuit, ex quarum intuitu & contemplatione oves similes producebant fœtus. Gen. 30. 37. Per has semicorticatas virgas doctissimus Quaresmius Christum in cruce pendentem, electam illam virgam de radice Jesse nudatam, decor-

S 2

ticatam,

Blof. monit.  
Spir. c. 2.

ticatam, sanguine ac vulneribus rubicatam intelligit; Hanc, quæso, virgam & nos, tanquam oves rationales per devotam contemplationem sapius intueamur, sic fieri non potest, quin non pariter electos passionis fructus pariamus; unde singulari nobis debet esse solatio, quod ab ipso Christo se didicisse refert S. Gertrudis, neminem videlicet unquam Christi crucifixi effigiem oculis compassionis aspiceret, quin ab ipso Crucifixo respiciatur oculis pietatis.

Job. 1. 5.

3. Depientissimo Job recensent Sacrae litteræ, quoddam singulis diebus holocausta pro filiis suis DEO T.O.M. obtulerit: *Consurgensque diluculo offerebat holocausta pro singulis.* Observat hic S. Chrysostomus cum septuaginta Interpretibus: *Job offerebat sacrificium, & vitulum unum pro peccato.* Et quare hoc? Subintrat hic antiquissimus Origenes, propterea vitulum illum Job coram filiis suis pro peccatis jugulavit, ut videntes filii, quod pro alienis peccatis ille vitulus jugulatus moreretur, metuentes & paventes essent ab omnibus peccatis, quæ animas perimunt, & dilacerant. Alii Interpretum observant, quod per dictum vitulum

S. Chrysof.  
cit. à Cornel.  
in Luc. 15. 23.

in conspectu filiorum Job occisum, Christus & hic crucifixus fuerit adumbratus: *Christus, ait os aureum, vitulus dicitur, ob immolati corporis bestiam saginatus, quia pro totius mundi salute sufficit.* Hunc ergo si respicimus, & attentiore mente contemplamur in ara crucis pro nobis immolatum & occisum, quis non abhorreat à peccatis de novo perpetrandis? Unde Job mox subjunxit: *Ne forte peccaverint filii mei.* Audi S. Ephrem: *Contemplaris, inquit, ô homo immaculatissimum Dominum in cruce suspensum, audésne, ô imprudens & infelix homo, in deliciis ac risu universam vitam tuam in terris transigere? Et tu audes?*

S. Ephrem.  
tom. 3. de  
Pass.

Ma. 6. 2.

4. Seraphini illi, quos quondam Isaias Prophetarum princeps ante thronum Dei stantes & erectos conspicatus est, expansis tamen alis, quasi paratos ad volandum, Crucifixi effigiem perfectissime adumbrabant: *Seraphim stabant super illud: sex ala uni, & sex ala alteri, duabus velabant faciem ejus, & duabus velabant pedes ejus, & duabus volabant.* Observa: Avis dum volat, extensis alis suis perfectam crucis figuram format; sic Seraphini illi alas suas expandentes veram ante thronum Dei formarunt crucem, & quare hoc? Respondet S. Germanus: *Putantes nimirum quod nulla figurâ, aut gestu gratius possent coram Deo adstrere, quam si Christum crucifixum ostendarent, ad indicandum nobis, quod DEO Patri*

S. German.  
Constant.  
orat. de cruce.

Hebr. 12. 2.

nihil magis placeat, quam si de Filio ejus pro salute generis humani crucifixo devotam instituamus meditationem: *Aspicientes, ait Apostolus, in Auctorem fidei & consummatorem Jesum, qui prope sibi gaudio sustulit crucem, confusione contemptâ.* Imitare, anima Christiana, illam alaudam, de qua narrat P. Athanasius Kircherus S. J. quod in aëre audita sit laudem

Athanas.  
Kirch. Mu  
Surg. l. 1. c. 14.

laudem Crucifixi hifce verbis cantillare: JESUS CHRISTUS  
CRUCIFIXUS.

5. Cæterum investigant facrarum litterarum gnari rationem, quare Centurio ille, licet Gentilis, cui Pilatus Christi in crucem acti custodiam demandaverat, tam repente in alium hominem & in virum sanctum fuerit mutatus, dum Christum in cruce morientem vidit, cæteris interim Judæis cruci adstantibus in tenebris peccatorum & in cæcitate sua remanentibus, hinc publicè coram omnibus Christum Dei Filium confessus est: *Verè Filius Dei erat illa?* Causam assignat in *Marth. 27. 58.* signis quidam Interpres in S. Marcum, quia hic Centurio stabat constans, aspiciens, & contemplans Crucifixum Dominum, & prodigia, quæ circa illum & propter illum contingebant: *Videns autem Centurio, qui ex adverso stabat &c.* De Judæis verò observat Scriptura, quòd non diù steterint ante crucifixum, sed quòd mox præterierint: *Et præterientes blasphemabant eum.* En hinc pulcherrimum modum, quomodò debeas meditari Crucifixum JESUM, non mox prætereundo, sed stando firmiter, considerans, quæ ac quanta pro te & peccatis tuis sit perpeffus crucifixus amotuus: *Inspice, ait S. Augustinus, vulnera pendentis, sanguinem morientis, pretium redimentis. Caput habet inclinatum ad osculandum, tor apertum ad diligendum, brachia extensa ad amplectendum, totum corpus expofitum ad redimendum. Hæc, quanta fuit, cogita, hæc in statera cordis appende, ut totus tibi figatur in corde, qui totus pro te fixus fuit in cruce.* *S. Aug. lib. de Virgin.*

6. Ita fecit, & fecerunt S. Silanus & Socii ejus Martyres Frontonius, Severinus & Severianus, qui, ubi ob fidem Catholicam & ob amorem Crucifixi JESU spinis fuerunt coronati, clavis ferreis ac sudibus transfixi, ac tandem capitibus truncati, per ingens prodigium, irruente in corpora eorum divino spiritu, abscissa capita sua super flumen, quod Yla dicitur, siccis pedibus, ac propriis manibus deportarunt, & in templo B. V. cunctis cernentibus deposuerunt. *Nadal. 2. Jan. & Bagatta fol. 120.*

S. Petrus M. qui apud civitatem Aulonam, prout asserit Martyrologium Romanum, crucis supplicio interemptus est, inter omnia tormenta, crucifixum Amorem suum, tanquam antesignanum considerans, ketus decantabat: *Unam petii à Domino, hanc requiram, ut inhabitarem in domo Domini omnibus diebus vita mea.* O si & mihi & tibi, lector Staurophile! talis fors contingeret. *Martyrol. 3. Jan. & Nadal. S. J.*

S. Nestor Episcopus Pergensis in Pamphilia, cum in cruenta Decii persecutione diù noctuque orationi instaret, impensissimè rogans Deum, ut gregem suum, qui jam Christo nomen dederat, benignè custodiret, ipse comprehensus, & in equuleo jussu Præsidis Pulionis crudelissimè tortus est; & quia publicè profitebatur se semper Christo

Christo pro salute generis humani crucifixo adhæsurum: *Cum Christo DEO meo semper fui, & sum, & ero*, in crucem actus est, ex qua crucis Cathedra Orator sanctus multa ad circumstantem populum Christianum dixit, eosque in fide solidavit; & quia populus flexis genibus ad Deum orabat, ipse in cruce orationem concludens, & dicens *Amen*, victor gloriosus migravit in cælum.

Martyrol. I.  
Febr. & Jo.  
Nadal.

7. S. Nestori adjungo S. Ignatium Episcopum & Martyrem, qui tertius post B. Petrum Apostolum Antiochenam regebat Ecclesiam, hic inter tot primitivæ Ecclesiæ persecutiones ferè assiduo Amorem suum crucifixum meditabatur, hinc dicere solebat sæpius: *Amor meus Crucifixus est; Qui*, ubi in persecutione Trajani Imp. damnatus jam ad bestias, Romam vincus mitteretur, læto animo decantavit: *Nunc incipio Christi esse discipulus*, & dum præsentem eodem Trajano ac circumfidente in Amphitheatro senatu immanissimis poenarum suppliciis primò affectus, demum leonibus objiceretur devorandus, exclamavit: *Fruentum Christi sum, dentibus bestiarum molar, ut panis mandus inveniar*; in cujus exinde corde particulatim dissecto in singulis particulis SS. Nomen JESUS aureis inscriptum litteris inventum est. Ecce quid profit sedula crucifixi JESU meditatio.

Finem huic Considerationi imponat B. M. Magdalena, de qua Luc. 10. 42. Salvator hoc testimonium perhibuit: *Maria optimam partem elegit, qua non auferretur ab ea*. Et quam partem dices? *ꝛ.* Jugem & quotidianam Christi Amoris sui crucifixi memoriam, dum enim in sylva Mafiliensi 32. annis sola moraretur, Christus S. Michaëlem ad eam ablegavit, qui illi crucem tulit, & ad ostium spelunçæ erexit, ut sic horis singulis haberet quod meditaretur. Anima Christiana, erige & tu tibi in cubiculo tuo devotam Crucifixi effigiem, meditare de illo, & partem optimam elegisti.

Luc. 10. 42.  
Sylvestr. scr.  
de S. M. Mag-  
dalena,

